





門武日  
第 83  
卷 6



保嬰全書卷之六



中相理不

贈太醫院院使薛鎰 編集

前太醫院院使男薛已治驗

發熱症

小兒之熱有心肝脾肺腎五臟之不同虛實  
溫壯四者之不一及表裏血氣陰陽浮陷與  
夫風濕痰食各當詳之心熱者額上先赤心  
煩心痛掌中熱而熾或壯熱飲水已午時益



甚肝熱者左頰先赤便難轉筋尋衣捻物多  
怒多驚四肢困倦寅卯時益甚脾熱者鼻上  
先赤怠惰嗜卧身熱飲水遇夜益甚肺熱者  
右頰先赤手掐眉目喘咳寒熱飲水日西熱  
甚腎熱者頰下先赤兩足熱甚骨蘇蘇如虫  
蝕熱甚不能起於牀夜間益甚仍當辨其虛  
實實則面赤氣粗口燥唇腫作渴飲冷大小  
便難或掀衣露體煩啼暴叫伸體而卧睡不  
露睛手足指熱宜用表下虛則面色青白恍  
惚神緩口中虛冷噓氣軟弱喜熱惡寒泄瀉  
多尿或乍涼乍溫怫鬱驚惕上盛下泄夜則  
虛汗屈體而卧睡而露睛手足指冷宜用調  
補壯熱者肢體大熱熱不已則發驚癩溫熱  
者肢體微熱熱不已則發驚搐陰虛則內熱  
陽盛則外熱以手輕捫之則熱重按之不熱  
此皮毛血脉之熱熱在表也重按之筋骨之



分則熱輕手則不熱此筋骨之熱熱在裏也  
不輕不重按之而熱此肌肉之熱熱在表裏  
之間也以虛實分屬表裏而言之壯熱惡風  
寒為元氣不充表之虛熱也壯熱不惡風寒  
為外邪所客表之實熱也壯熱飲湯為津液  
短少裏之虛熱也壯熱飲水為內火銷燬裏  
之實熱也若夫內外皆熱則喘而渴口乾煩  
燥腹滿四肢熱逢風寒如炙於火能冬不能

夏是皆陽盛陰虛也脈尺寸俱滿為重實尺  
寸俱弱為重虛脈洪大或緩而滑或數而鼓  
此熱盛拒陰雖形症似寒實非寒也熱而脈  
數按之不鼓此寒盛格陽雖形症似熱實非  
熱也發熱惡熱大渴不止煩躁肌熱不欲近  
衣其脈洪大按之無力或無目痛鼻乾者此  
血虛發躁也當補其血如不能食而熱自汗  
者氣虛也當補其氣仲景論內外不足發熱



自汗之症禁不可發汗如飲食勞役雖病發熱誤發其汗則表必虛也身熱而汗出者風也發熱身疼而身重黃者濕也增寒發熱惡風自汗脉浮芤者痰也發熱頭痛脉數者食也寸口脉微為陽不足陰氣上入陽中則惡寒尺脉弱為陰不足陽氣下入陰中則發熱陰陽不歸其分則寒熱交爭也晝則安靜夜則發熱煩躁是陽氣下陷入陰中也晝則發熱煩躁夜則安靜是重陽無陰也當亟瀉其陽峻補其陰至若身熱脉弦數戰慄而不惡寒者瘧瘧也發熱惡寒脉浮數者溫病也若四肢發熱口舌咽乾是火熱乘土位濕熱相合故煩躁悶亂也若身體沉重走注疼痛乃濕熱相搏風熱鬱而不得伸也心熱則用瀉心湯導赤散安神丸肝熱則用瀉清丸柴胡飲子脾熱則用瀉黃散肺熱輕則用瀉白



散重則用涼膈散及地骨皮散腎熱則用滋  
腎丸實熱則宜疎下虛熱則宜調補壯熱者  
導赤散溫熱者瀉黃散若肢體熱輕則用惺  
惺散重則用羌活散之類大便秘者二黃犀  
角散餘熱不退者地骨皮散骨節疼痛者梔  
子仁湯宿滯內作者紫霜丸肝火內熱者龍  
膽草湯陰盛隔陽而熱者人參理中湯肝經  
血虛生風而搐者用四物天麻釣藤鈎若熱  
蘊便秘者四順清涼飲熱而二便調和風邪  
蘊結於表而發者用惺惺散加麻黃汗之汗  
後血虛而熱益甚者六神散加粳米汗後氣  
虛而惡寒發熱者補中益氣湯汗後陰虛陽  
無所附而熱者用四物湯加參耆汗後陽虛  
陰無所附而熱者用四君湯加芎歸嬰兒諸  
熱其因別症而作者當從所重而治之或乳  
母七情厚味飲食停積遺熱於兒或兒嗜食



并肥衣衾過煖或頻浴熱湯積熱於內為患者各當詳之蓋小兒臟腑脆弱元氣易虛補泄宜用輕和之劑庶無變症若乳下嬰兒當無治其母仍參諸熱症治之

治驗

一小兒夜間發熱天明如故或小腹作痛飲食少思面色痿黃熱時面赤不時飲湯此食積所致用下積丸治之而消又用白朮散調理而安

一小兒飲食停滯腹痛作嘔用大安丸而愈飲食雖進其腹仍痛用六君山查神麩痛少止余以為脾氣傷而飲食難化乃去前二味服六君子四劑而愈後又傷食仍服前藥痛止而至暮發熱用六君柴胡升麻而痊此由脾虛下陷不能升發故至暮發熱也



一 小兒發熱飲食少思大便不實常服蘆  
薈等丸視其鼻赤此寒涼之劑復傷脾土  
而虛熱也用五味異功散數劑而愈

一 小兒十三歲內熱晡熱形體倦怠食少  
作渴此稟賦怯弱之虛熱也用地黃丸異  
功散補之不越月而痊

一 小兒十四歲而近女色發熱吐痰至有  
室兩目羞明頭覺脹大用地黃丸料加五  
味子當歸黃芪二煎服及補中益氣湯得慎  
疾而痊

一 小兒十四歲肢體倦怠發熱晡熱口乾  
作渴吐痰如湧小便淋瀝或面目赤色身  
不欲衣此稟腎不足而虛熱也用補中益  
氣湯六味地黃丸尋愈

一 小兒五歲發熱作渴右頤鼻準微赤或  
與冷水涼藥即時嘔吐余曰右頤微赤肺



經虛熱也鼻準微赤胃經虛熱也先用四君升麻一劑吐止又用白朮散二劑而不渴更用四君子湯四劑而安

一小兒九歲發熱作渴用瀉黃散大便重墜口角流涎彼欲瀉火余曰鼻準青白脾胃虛寒肝木所侮也口角流涎胃氣不能攝也大便重墜脾氣不能升也不信竟服

涼藥眉唇微動四肢微搐復求治余曰此虛極而變慢脾風矣用六君炮薑當歸木香釣藤鈎二劑益甚欲求更劑余曰藥力未及耳又加炮附子一片即安後去附子二劑而愈

一小兒四歲停滯腹痛發熱用大安丸而飲食進又用六君山查神麩四劑而痛止復傷食至暮復熱用六君柴胡山梔升麻而痊此脾虛兼肝火之治法也



一小兒發熱體瘦夜間遺尿日間頻數此稟脾腎不足用補中益氣湯加補骨脂及地黄丸加鹿茸治之而痊畢姻後小便頻數作渴發熱服補陰丸等藥發熱尤甚小便如淋用補中益氣湯六味地黄丸而愈一小兒體瘦腹大發熱嗜卧作渴引飲先用白朮散為主佐以四味肥兒丸諸症漸愈又用異功散六味丸而愈

一小兒十四歲傷食發熱服消食丸胸腹膨脹發熱作渴此脾氣復傷也先用四君升麻柴胡飲食漸進用補中益氣湯而愈後因勞心發熱少食用四君升麻柴胡而愈

一小兒傷風咳嗽服參蘇飲加痰盛喘急腹脹不食此脾肺虛而復傷也用六君柴胡桔梗一劑諸症頓愈用六君子湯而痊



一女子十四歲發熱至夜益甚久不愈左  
關脈弦數右關脈微按之亦弦此肝火血  
熱脾胃虛弱先用四物二連湯加柴胡山  
梔牡丹皮二劑熱稍退又二劑熱頓退再  
用加味逍遙散白朮加三錢數劑而痊

嘉靖癸丑閏三月渠下第北歸犬子麟孫  
方病瀉不食遍體如焚胸滿腹冷痛日夜  
不成寢或投以山查枳殼中氣愈弱瀉愈  
甚不食至累月日進米飲一半甌或糕餅  
棗栗少許稍過節度則肢體熱益壯腹痛  
不解奄奄喘息旦暮不保矣立齋先生枉  
視之則曰此胃虛不能納脾濕不能運病  
在戊巳深且久蕪木氣所乘脫服攻治之  
藥則殆矣亟用補中益氣湯數累熱稍退  
瀉不食如初先生復曰此勿亟惟胃氣漸  
復濕漸除當自得效耳改用六君蕪補中



湯仍服八味丸生命門火以滋脾土如是  
三月諸症悉退納穀倍常日惟稍遇形役  
或記誦心勞則潮熱過發先生復授以歸  
脾方加梔柴二種熱尋止形氣日充甲寅  
七月偶觸暑飲冷前症復作間發瘧疾熱  
晝夜不止先生曰此虛寒偏陽法當舍時  
從症用補中湯多加炮薑益以生薑二兩  
及口而瘧止面色青黃相錯更患痢或謂  
參芪炮薑不宜先生哂之且曰此固虛弱  
自利耳往嘗謂戊巳受病木氣乘之此青  
黃二色非正形耶仍用補中益氣多加柴  
胡參朮數日而痢止餘症亦漸解脫惟吾  
兒襁褓失母渠每姑息之故其性外溫而  
中易怒渠少孤遭家多難藜藿恒不充兒  
幼多病失調養故形怯而胃弱致疾之原  
其所由來者漸矣先生洞微燭幽知其病



深且久而堅持獨見以祛攻治之惑吾兒  
再造之慈何幸得此於先生哉先生之曾  
大父與先廷評公為中表兄弟先君與先  
生同宦游京師末年尤敦泉石之雅先生  
盛德及於大子能使先人後嗣永存區區  
志感誠不能盡萬分之一也是歲冬十月  
望眷晚生張慕渠頓首頓首

嘉靖甲寅敬臣之女年十二患脾胃素弱

自夏入秋時瀉時止小腹微痛至八九月  
間遂成疳積之症發熱凡二十餘日不止  
汗泄熱解汗已復熱自中脘至小腹膨脹  
堅直大便溏氣喘咳嗽作嘔俱晝輕夜重  
徹夜煩躁不睡鼻塞眼暗讖語其母以為  
必死矣立齋先生診之曰脉浮大而無根  
此大虛證也非獨參湯不可乃用參一兩  
加熟附三分煨生薑三片日進二劑仍併



查煎服之大下疝積其氣甚腥腹漸寬熱  
漸減脉漸斂然手猶尋捻不已鼻孔出血  
先生曰此肝證也煎六味丸料與之一服  
如脫乃書服獨參薑附湯夜服六味丸料  
脉漸有根諸證漸退先此手足恒熱至是  
乃始覺寒先生喜曰此病邪盡退而真氣  
見矣然猶飲食不進乃單用六君子湯加

此薑遂能食咳嗽獨甚與補中丸無氣湯飲

遂止夜始有睡凡弱女之得生皆先生力  
也向非先生卓有定見專治其本而其末  
自愈則奄奄一息之軀豈堪雜劑之攻擊  
哉其為丘中之骨蓋必然矣敬臣感激之  
餘無由以報敬書施療之顛末以附醫錄  
庶不泯先生之功且以告同患此者幸無  
所悞亦推廣先生一念之仁於萬一云爾  
孟冬望日眷晚生王敬臣頓首拜書



敗毒散治傷風瘟疫風濕頭目昏眩四肢作痛增寒壯熱項強精疼或惡寒咳嗽鼻塞聲重

柴胡

前胡

川芎

枳殼炒

羌活

獨活

茯苓

桔梗

人參各一兩

甘草半兩

右每服二錢生薑薄荷水煎

滋腎丸治腎執

黃柏

酒拌炒焦三錢

知母

二錢

肉桂

五分

右為末熟水丸桐子大每服二十九至三十丸食前百沸湯下

四順清涼飲治小兒血脉壅實臟腑蓄熱頰赤作渴五心煩熱睡卧不安四肢驚掣及因乳哺不時寒溫失度令兒血氣不順腸胃不調大小便澁欲發驚癇或風執結核



頭面生瘡目赤咽痛瘡疹餘毒一切壅滯  
挾熱泄瀉不止加木香煨大黃

赤芍藥

當歸

甘草

大黃

各等分

右每服一錢水煎作兩服

消風散治小兒解脫致令風邪客於皮毛入  
於臟腑則令惡風發熱胸膈痰涎目澁多  
睡方見驚癇胎症

小柴胡湯治傷寒溫熱身熱惡風頭痛項強  
四肢煩疼往來寒熱脇痛耳聾嘔噦痰實  
中暑瘧疾並服之方見天鈞

愚按前方若肝膽經風熱肝火瘰癧寒熱  
往來日晡發熱潮熱不欲飲食或怒火口  
苦耳聾咳嗽或脇痛胸滿小便不利或泄  
瀉吐酸苦水或肢體搖動唇目抽掣及乳  
母有前症致兒為患者並宜服之



抑肝散治肝經虛熱發搐或發熱咬牙或驚悸寒熱或木乘土而嘔吐痰涎腹脹少食睡卧不安 方見肝臟

梔子清肝散

一名柴胡 梔子散

治三焦及足少陽經

風熱發熱耳內作痒生瘡或出水疼痛或胸乳間作痛寒熱往來

柴胡

梔子 炒

牡丹皮

各一錢

茯苓

川芎

芍藥

當歸

牛旁子

炒各七分

甘草

右水煎服

柴胡清肝散治肝膽三焦風熱怒火或乍寒乍熱往來寒熱發熱或頭發瘡毒等症

柴胡 一錢半

黃芩 炒

人參

川芎

各一錢

山梔

炒一錢半

連翹

甘草

各五分

桔梗

八分

右水煎服



柴胡飲子解肌熱蒸熱積熱或汗後餘熱脉  
洪實弦數大便堅實

黃芩 分七

甘草 分四

大黃 分八

芍藥 分七

柴胡

人參 各五分

當歸 錢一

右每服一錢薑水煎

當歸補血湯治肌熱躁熱目赤面紅煩渴晝

夜不息其脉洪大而虛重按全無此脉虛

血虛也若候服白虎湯必死宜此主之

黃芪

當歸 各等分

右水煎服

三黃丸治三焦積熱眼目赤腫頭項腫痛口

舌生瘡心膈煩躁不美飲食大小便秘澀

五臟實熱或下鮮血瘡癰熱症

黃連

黃芩

大黃 煨各等分

右為末煉蜜丸桐子大每服三十九丸白滾



湯下量大小加減服

白虎湯治傷寒或吐或下後七八日邪毒不  
解熱結在裡表裡俱熱時時惡風大渴舌  
上乾燥而煩欲飲數升者宜服之又治夏  
月中暑汗出惡風寒身熱而渴

知母 三兩

甘草 一兩

石膏 八兩

糯米 三合

右每服二三錢水煎至米熟為度

瀉黃散 方見脾臟

瀉心湯 方見心臟

地黃散 方見腎臟

清涼飲

柴苓散

二黃犀角散

牛黃散

黃龍湯



午黃膏

梔子仁湯

六物黃芩湯

五物人參飲

地骨皮散 十方見潮熱

惺惺散

理中湯

二方見咳嗽加人參即人參理中湯

龍膽湯

紫霜丸

二方見喉風撮口

四物湯

方見急驚

六神散

方見夜啼

白朮散

方見積痛

羌活散

方見驚風

下積丸

方見積滯

補中益氣湯

大安丸

即保和丸加白朮二方見虛羸



六君子湯

四君子湯

加味道遙散

異功散 四方見內鈔

瀉白散 方見肺臟

瀉青丸 方見肝臟

涼膈散 方見瘡瘍

八珍湯 方見寒熱

潮熱

錢仲陽曰潮熱者時間發熱過時即退來日  
 依時而至有風寒痺積食癖之分陰陽虛實  
 五臟之異如汗出身熱呵欠面赤者風熱也  
 傷寒時疫陰陽相勝外感熱也肌瘦口乾骨  
 蒸盜汗痺熱也大小便閼澁汗下不解積熱  
 也腹背先熱夜發旦止食熱也涎嗽飲水乳  
 食不消癖熱也又有煩熱者氣麓喘促心躁



不安頰赤口瘡無發癰症瘡疹熱者耳鼻尖  
冷血熱者已午間發至夜則涼虛熱者困倦  
少力發於病後陽邪干心則來去不定陰陽  
相勝則寒熱如瘧前症在小兒有因乳母或  
妊娠七情厚味遺熱或飲食停積衣衾過煖  
及頻浴熱湯而為患若寅卯辰時熱而力盛  
飲水者肝經實熱也用柴胡清肝散熱而力  
怯飲湯者肝經虛熱也用六味地黃丸巳午  
時熱心經也實用導赤散虛用秘旨安神丸  
酉戌時熱肺經也實用瀉白散虛用秘旨  
保脾湯亥子丑時熱腎經也用地黃丸大凡  
壯熱飲水大便秘結為實熱用二黃犀角散  
下之熱渴飲湯大便如常屬血虛用四物湯  
補之若下後陰虛陽無所附而仍熱用四物  
參芪汗後陽虛陰無所生而仍熱用四君等  
歸若汗下後煩渴面赤血虛發躁也當歸補



血湯若見驚搐等症肝血虛而内生風也用  
四物天麻鈞藤鈎頰赤口乾小便赤澁大便  
焦黃表裏俱實熱也用清涼飲子如大便已  
利或熱未止表邪未解也惺惺散未應加麻  
黃微汗之既汗而仍熱此表裏俱虛氣不歸  
源陽浮於外而虛熱也六神散加粳米陽氣  
下陷於陰中而發熱者用補中益氣湯若乳  
下嬰兒當兼治其母

一小兒潮熱煩渴大便乾實氣促咳嗽右  
頰色赤此肺與大腸有熱用柴胡飲子一  
服頓愈後因微驚發搐咬牙煩悶此肝脾  
氣血虛也用四君芎歸鈞藤鈎而愈

一小兒潮熱發躁左腮青赤此心肝血虛  
用秘旨安神丸及四物防風酸棗仁漸愈  
又用六味地黄丸調補肝腎而痊

一小兒潮熱發搐痰涎上湧手足指冷左



顯至申酉時青中隱白手足時搐此肝經  
虛弱肺金所勝而潮搐脾土虛弱而手足  
冷也用補中益氣湯調補脾肺用六味地  
黃丸滋補肝腎而愈蓋病氣有餘當認為  
元氣不足若用瀉金伐肝清熱化痰則誤  
矣

一小兒寅卯時發熱或兼搐有痰服抱龍  
瀉青二丸而愈後復患服前藥兼咳嗽氣  
喘不時發搐面赤色或青黃或浮腫或流  
涎余謂咳嗽氣喘脾肺氣虛也不時發搐  
肝木乘脾也面青黃肝入心脾也浮腫流  
涎脾氣虛也用益智丸以養心血補中益  
氣湯以補脾氣而愈

一小兒腹痛作嘔飲食少思至暮腹脹發  
熱此脾虛下陷朝用補中益氣湯夕用六  
君柴胡升麻而愈後因勞不時寒熱夜間



盜汗用十全大補湯而愈

一小兒夜間發熱腹脹余謂脾虛肝盛朝用五味異功散夕用四味肥兒丸熱止乃朝用六味地黄丸夕用異功散而痊

一小兒巳午時發熱驚悸發時形氣倦怠面黃懶食流涎飲湯余謂心氣不足所致不信反服涼心之藥更加吐瀉睡而露睛手足並冷幾至慢脾風先用六君薑桂

佐以地黄丸而愈

一小兒亥子時患前症用益黃散而愈後復發服前藥及清熱之劑病發不時嗜卧露睛作渴少食大便頻黃予謂脾虛而肝木勝之無元氣下陷也用補中益氣湯佐以地黄丸而愈

一小兒先停食服尅伐之藥致面色痿黃體倦少食申酉時潮熱或用清熱消導之



劑更加泄瀉予先用六君子湯數劑後用  
補中益氣湯漸愈

一小兒申酉時發熱面赤腹中作痛或用  
峻利之劑下之致發搐吐痰作渴腹痛按  
之即止此脾胃傷而變症也用七味白朮  
散補中益氣湯頓安

柴苓散治壯熱來去

柴胡

麥門冬

去心

人參

赤芍藥

甘草

各半

黃芩

右為末每服二錢入小麥二十粒青竹葉

三片水煎服

二黃犀角散治溫壯心神不安大腑秘結

犀角屑

大黃

酒浸

釣藤鈎

梔子仁

甘草

黃芩

各半

右為末每服五分熱湯調下量兒加減

牛黃散治溫壯常熱或寒熱往來



牛黃 研

甘草 各半

柴胡

梔子 酒炒

龍膽草 酒炒

黃芩 炒各二錢半

右為末每服半錢以金錢薄荷湯調下

黃龍湯治發熱不退或寒熱往來

柴胡 五錢

黃芩 炒

甘草 炙各二錢

赤芍藥 三錢

右每服一錢薑棗水煎

牛黃膏治壯熱咽喉涎響或不省人事或左

右手偏搐或唇口眼鼻顫動此熱涎內蓄

風邪外感也宜急服之

蝎尾 四十枚

巴豆肉 去油膜一錢半

梅花腦 半匙

辰砂 研二錢

鬱金 三錢皂角水煮

牛黃 少許

麝香 一匙

右為末每服一匙蜜水調下量兒虛實用

之

梔子仁湯治陽毒壯熱百節疼痛下後熱不



退者

梔子仁 酒炒 赤芍藥

大青

知母 各一兩 升麻

黃芩 酒炒

石膏 各二兩 柴胡 一兩

甘草 五錢

杏仁 二兩浸去皮 麩炒微黃

右每服三錢生薑三片水煎服

六物黃芩湯治壯熱腹大短氣往來寒熱欲

食不化

黃芩 酒炒 大青 甘草 炙

麥門冬 去心 石膏 各半兩 桂 三錢

右每服一二錢水煎服

五物人參飲治壯熱咳嗽心腹脹滿

人參 甘草 各半兩 麥門冬 去心

生地黄 各一兩半 茅根 半握

右每服二三錢水煎服

益智丸治脾腎虛熱心氣不足



益智仁

茯苓

茯神各等分

右為末煉蜜丸桐子大每服五六十九空心白滾湯下亦治白濁

四物二連湯治血虛勞五心煩熱晝則明了夜則發熱脇肋并一身盡熱日哺肌熱

當歸

生地黄

白芍藥

川芎

黃連

胡黃連各等分

右水煎服

地骨皮散治虛熱壯熱

知母

柴胡

甘草

人參

地骨皮

茯苓

半夏各等分

右薑水煎有驚熱加蟬退天麻黃芩

抱龍丸方見傷寒

六味丸方見腎臟

七味白朮散方見積痛



導赤散

秘旨安神丸

二方見心臟

瀉白散

方見肺臟

惺惺散

保肺湯

二方見咳嗽

四物湯

方見急驚

當歸補血湯

紫胡清肝散

清涼飲子

三方見發熱

六神散

方見夜啼

補中益氣湯

方見虛羸

四君子湯

六君子湯

二方見內釣

益黃散

方見脾臟

瀉青丸

方見肝臟

寒熱



經曰陽虛則外寒陰虛則內熱陽盛則外熱  
陰盛則內寒寒熱往來此乃陰陽相勝也故  
寒氣并於陰則發寒陽氣并於陽則發熱寸  
口脈微為陽不足陰氣上入陽中則惡寒尺  
脈弱為陰不足陽氣下入陰中則發熱陽不  
足則先寒後熱陰不足則先熱後寒陰陽不  
歸其分則寒熱交爭也又上盛則發熱下盛  
則發寒陽勝則乍熱陰勝則乍寒陰陽相勝

虛實貝不調故邪氣更作而寒熱往來或乍寒  
乍熱也少陽膽者肝之府界乎太陽陽明之  
間半表半裏之分陰陽之氣易於相乘故寒  
熱多主肝膽經症以小柴胡湯加減調之若  
祇見寒熱起居如常久而不愈及大病後元  
氣未復悉屬陰虛生熱陽虛生寒宜用八珍  
湯補之甚者十全大補湯有食積為病亦令  
寒熱用保和丸消之若無嘔吐泄瀉用六君



子湯厥冷飲熱人參理中丸作渴不止七味  
白朮散食積既消而寒熱尚作者肝邪乘脾  
所勝侮所不勝也用異功散加柴胡山梔其  
瘡症寒熱詳見瘡門

治驗

一小兒十四歲朝寒暮熱或時發寒熱則  
倦怠殊甚飲食不思手足指冷朝用補中  
益氣湯夕用六君子湯各二十餘劑漸愈  
後因用功勞役前症復作更加頭痛脈虛  
兩寸尤弱朝用補中益氣湯蔓荊子夕用  
十全大補湯兩月餘而痊但勞役仍復寒  
熱服前二湯稍愈畢姻後又用功過度朝  
寒遍體如水暮熱遍身如炙朝用補中益  
氣湯加薑桂暮用八味丸加五味子各五  
十餘劑而愈

一小兒十三歲壯熱便秘服清涼飲愈而



復作服地骨皮散更潮熱又服芩連四物  
不時寒熱體倦少食而熱或晝見夜伏夜  
見晝伏予謂肝脾虛熱夕用地黃丸加五  
味子朝用補中益氣湯加山藥山茱而瘥  
一小兒寒熱不愈診其乳母左關脉弦數  
左脇作痛遇勞則遍身瘙癢遇怒則小便  
不利此因肝經血虛鬱火所致也先用小  
柴胡湯加山梔牡丹皮諸症頓退又用加  
味逍遙散母子並痊

一小兒發熱咬牙乍寒乍熱耳內痛痒緣  
乳母有肝火所致用柴胡清肝梔子清肝  
二散母子並服而愈

一小兒十四歲每日子時分發熱遍身如  
炙午未時則寒足骨如冰至膝至子時分  
熱仍作此內真寒而外假熱也朝用補中  
益氣湯加參芪各三錢附子三分夕用大



劑四君子湯加當歸一錢附子五分各二  
十餘劑漸安又用參朮各五錢歸芪各三  
錢陳皮甘草各一錢薑桂五分各數劑乃  
朝用十全大補湯夕用六君子湯漸愈又  
用五味異功散而尋愈

一女子十五歲寒熱月經先期兩寸脉弦  
出魚際此肝經血盛之症用小柴胡湯加  
生地黃烏梅治之而愈後寒熱消瘦月經  
過期乃肝脾二經血氣虛弱也朝用補中  
益氣湯夕用六味地黃丸而愈

羌活冲和湯治太陽無汗發熱頭痛惡寒春  
強脉浮緊又治非時暴寒人中之頭痛惡  
寒發熱宜此湯治之以代麻黃湯用太陽  
經之神藥也

羌活	防風	蒼朮
川芎	甘草	細辛
		錢各一
		錢半



白芷

生地黄

黄芩各一錢

右水煎服

八珍湯

四物四君合用四物見急驚四君見內鈞

十全大補湯

方見自汗

六君子湯

加味道遙散

異功散

三方見內鈞

人參理中丸

方見冷瀉

保和丸

補中益氣湯

二方見虛羸

地骨皮散

方見潮熱

芩連四物湯

即四物二連湯加黃芩方見潮熱

地黄丸

八味丸

即地黄丸加五味子肉桂二方見腎臟

小柴胡湯

方見瘧症

柴胡清肝散



梔子清肝散

二方見發熱

傷寒夾驚夾食

錢仲陽云小兒正傷寒者謂感冒寒邪壯熱頭痛鼻塞流涕畏寒拘急是也夾驚者因驚而又感寒邪或因傷寒熱極生風是熱乘於心心神易動故發搐也用薄荷散人參羌活散之類解之甚者抱龍丸夾食者或先傷於風寒後復停滯飲食或先停滯飲食而後傷於風寒以致發熱氣粗噯氣壯熱頭疼腹脹作痛大便酸臭先用解散次與消導不解者大柴胡湯週歲已前傷寒熱輕者用惺惺散週歲以後須解表微汗若五六日不除邪入於經絡傳變多端不可枚舉若夫榮衛俱傷者羌活沖和湯主之過此則少陽陽明二經在于半表半裏肌肉之間脉不浮沉外症在陽明則目疼鼻乾不得眠脉洪而長以葛根



解肌升麻等湯治之在少陽則耳聾脈弦數  
小柴胡湯加減和之若少陽陽明俱病小柴  
胡加葛根芍藥傳入陽明為裏脈沉實譫妄  
惡熱六七日不大便口燥咽乾而渴用大柴  
胡湯重則三乙承氣湯若無三焦俱病則痞  
滿燥實宜大承氣湯三陽之邪在裏為患不  
頭痛惡寒而反渴此為溫病當遵仲景法治  
之其餘正傷寒症治自有專方不復贅論其  
無驚無食者各從本症治之

治驗 散見各症

抱龍丸治傷風瘟疫身熱氣粗痰實壅嗽常  
服安神鎮驚亦治痘疹壯熱

牛膽南星 一兩 天竺黃

雄黃

辰砂 二錢

麝香 少許

右為末煮甘草汁丸櫻桃大陰乾每服一  
丸薄荷湯下氣喘有痰加枯礬



愚按前方若風熱痰嗽或急驚發搐昏睡  
咬牙形病俱實宜用此方若初冒風寒咳  
嗽痰盛氣喘者屬客邪內作先用十味參  
蘇飲客邪既解而腹脹吐瀉發搐咬牙睡  
而露睛屬脾肺氣虛用五味異功散切忌  
祛痰表散若過服剋伐之劑以致前症者  
尤宜溫補脾肺

紅綿散治傷風咳嗽鼻塞或流清涕

全蝎

五箇

麻黃

去節

僵蠶

白芷

川芎

桔梗

天麻

各二錢

甘草

蘇木

右為末每服一錢加紅綿少許水煎有熱

加荆芥

葛根解肌湯治發熱惡寒頭痛項強傷寒溫

病

葛根

四分

桂

一分

黃芩



甘草

白芍藥

各三分

麻黃

二分

右薑棗水煎服

三乙承氣湯治臟腑積熱痞滿燥實堅脹

甘草

枳實

炒

厚朴

薑製

大黃

芒硝

各等分

右薑水煎服

升麻湯治小兒中風頭痛增寒壯熱肢體疼

痛鼻乾不得眠無治瘡痘已發未發皆可

服

甘草

白芍藥

升麻

乾葛

各等分

右為末每服一錢水煎服

小柴胡湯

大承氣湯

大柴胡湯

三方見瘕症

惺惺散

方見咳嗽



葛根解肌湯

抱龍丸 二方見傷寒

薄荷湯 方見瘰癧

人參羌活散 方見驚風

咳嗽

錢仲陽云嗽者肺感微寒八九月間肺氣正旺若面赤身熱其病為實當用葶藶丸下之  
久嗽者不宜下若在冬月乃傷風嗽當用麻

黃湯汗之面赤飲水咳嗽唾膿痰咽喉不利者以茸桔湯清之先咳後喘面腫身熱肺氣盛也以瀉白散平之嗽而唾痰涎乳者以白餅子下之潔古云嗽而兩脇痛者屬肝經用小柴胡湯咳而嘔苦水者屬膽經用黃芩半夏生薑湯咳而喉中如梗者屬心經用茸桔湯咳而失氣者屬小腸用芍藥茸草湯咳而右脇痛者屬脾經用升麻湯咳而嘔長蟲者



屬胃經用烏梅丸咳而喘息吐血者屬肺經  
用麻黃湯咳而遺尿者屬大腸用赤石脂湯  
咳而腰背痛甚則吐涎者屬腎經用麻黃附  
子細辛湯咳而遺尿者屬膀胱用茯苓甘草  
湯咳而腹滿不欲食面腫氣逆者屬三焦用  
異功散若咳嗽流涕外邪傷肺也先用參蘇  
飲喘嗽面赤心火刑肺也用人參平肺散及  
六味地黃丸嗽而吐青綠水肝木乘脾也用  
異功散加柴胡桔梗嗽而吐痰乳脾肺氣傷  
也用六君子加桔梗若嗽唾膿痰者熱蘊於  
肺而成肺癰也用桔梗湯凡風邪外傷法當  
表散而實腠理其用下藥非邪傳於內及胃  
有實熱者不宜輕用面色白脉短瀯者肺之  
本症也易治面色赤脉洪數者火刑金也難  
治

治驗



一 小兒潮熱煩渴大便乾實氣促咳嗽右  
頤色赤此肺與大腸有熱用柴胡飲子一  
服諸症頓退後又發搐咬牙頓悶此肝脾  
氣血虛也用四君芎歸釣藤鈎而愈

一 小兒咳嗽惡心鼻塞流涕右頤青白此  
脾肺氣虛而外邪所乘也先用惺惺散咳  
嗽頓愈但飲食不思手足指冷此外邪雖  
去而元氣尚虛也當調補脾土而生肺金

遂用六君升麻治之而愈大凡外邪所侵  
而痰涎壅塞者宜表散之外邪既去而喘  
嗽未愈或更氣促肺氣虛也屬形病俱虛  
須用六君子之類調補脾土以生肺金為  
善設逕補肺氣則反益其邪况肺乃脆嫩  
之藏而司腠理以脾為母若腠理不密風  
邪外侵蘊結於肺而變咳嗽諸症乃形氣  
不足病氣有餘也最難調理設或嘔吐傷



其胃氣汗下損其津液必變肺痿肺癰  
吳江史萬言子六歲感冒咳嗽發散過度  
喘促不食痰中有血用桔梗湯而愈後因  
元氣未復清氣不升大便似痢或用五淋  
散黃連枳實之類痰喘目割四肢抽搐變  
慢脾風而歿

一小兒傷風咳嗽發熱服解表之劑加喘  
促出汗余謂脾肺氣虛欲用補中益氣湯  
加五味子補之不信乃自服二陳桑皮枳  
殼而發搐痰湧余仍用前藥加釣藤鈎而  
痊

一小兒有哮喘病其母遇勞即發兒飲其乳  
亦嗽用六君桔梗桑皮杏仁治之母子並  
愈

一小兒傷食發熱抽搐嘔吐喘嗽屬脾肺  
氣虛有熱用六君炒黑黃連山梔而愈



一小兒咳嗽因乳母素食膏粱炙燂所致  
用清胃散而愈後其母因怒咳嗽脇痛其  
子亦然母服小柴胡湯子亦隨愈

吳江史萬洲子傷風咳嗽或用散表化痰  
之藥反加痰盛腹脹面色恍白予謂脾肺  
氣虛也用六君桔梗一劑頓愈三日後仍  
嗽鼻流清涕此復感於風寒也仍用前藥  
加桑皮杏仁而愈

一小兒發熱咳嗽右頤赤色此肺金有熱  
用瀉白散而愈次日重感風邪前症復作  
聲重流涕用參蘇飲加杏仁桑皮而愈但  
右頤與額微赤此心火乘肺也用人參平  
肺散一劑遂痊

一小兒咳嗽發熱右臉赤色作渴煩悶倦  
怠少食肚腹作脹此風邪傷肺飲食傷脾  
先用六君桔梗杏仁柴胡一劑諸症少愈



後去杏仁柴胡又一劑而安

一小兒發熱右臉赤咳嗽痰盛余謂風邪蘊結於肺而痰作也用二陳加桑皮杏仁桔梗治之將愈自用發散降火之劑風痰不退發熱益甚余曰此脾肺俱虛也用五味異功散加桔梗四劑漸愈又用六君子湯而愈

一小兒三歲痰涎上湧氣喘胸滿大便不實睡而露睛手足指冷此屬形病俱虛也用六君桔梗一劑諸症稍緩至四劑將愈復傷風寒前症仍作又以前藥加紫蘇杏仁桑皮而安

一小兒傷風咳嗽痰盛雜用化痰等藥寒熱虛甚面色或青或赤此風熱相搏也用牛黃清心丸一服又六君桔梗二服而痊麥煎散治夾驚傷寒吐逆壯熱表裏不解氣



粗喘急面赤自汗或狂語驚叫或不語自汗及治癰疹搔痒往來潮熱或時行痲痘餘毒未盡痰涎咳嗽或變驚風手足搐搦眼目上視或傷風頭疼並宜服之

滑石

地骨皮

赤芍藥

石膏

白茯苓

杏仁

人參

知母

甘草

葶藶子

炒各半兩

麻黃

去節一兩半

小麥

五六粒

右為末每服一錢麥子煎湯調下若久嗽傳於五臟或唾痰涎或厥冷驚悸甚則目眶腫黑白睛色赤用生地黃黑豆濕研成膏掩目眶上服麥煎散久嗽成癩服散癩之藥

小青龍湯治傷寒表不解惡寒體熱心下停水乾嘔咳嗽喘急或肺脹胸滿鼻塞清涕噎逆氣喘仲景所謂表不解心下有水氣



乾嘔發熱而咳或渴或噎或小便不利或  
小腹脹滿此湯主之

麻黃去節

赤芍藥

半夏

湯泡各七錢

細辛

乾薑炮

甘草炙

桂枝各三錢

五味子

半兩

右每服二錢水煎

理中湯治脾胃虛寒胸膈痞滿或心腹疼痛

痰逆嘔吐飲食減少氣短羸困或霍亂吐

利手足厥冷不喜飲水者

人參

白朮

乾薑

炮各等分

甘草炙減半

右每服三錢水煎熱服或研末白湯調下

惺惺散治外感風寒鼻塞痰嗽發熱

桔梗

細辛

人參

白朮

甘草

瓜蒌根

白茯苓



右為末每服二錢入薄荷五葉水煎服  
參蘇飲治感冒發熱頭疼傷風咳嗽傷寒嘔  
吐胸膈不快痰飲凝結

紫蘇

前胡

陳皮

半夏炮七次

乾葛

茯苓

枳殼炒

桔梗各三錢

甘草一錢

人參三錢

右為末每服一二錢薑棗水煎服

保肺湯治肺胃受風熱痰盛欬嗽喘吐不止  
及治久嗽不愈

山藥

白茯苓

紫蘇葉各一錢

白殭蠶去絲嘴炒二錢

藿香五分

百部六分

黃芩

防風

杏仁去皮尖麩炒各一錢

百合五分

五味子一錢

桔梗一錢

右水煎食後服



天麻防風丸治驚風咳嗽身體壯熱多睡驚悸手足抽掣精神昏憤痰涎不利及風邪溫熱

天麻

防風

人參

辰砂

雄黃

麝香

甘草

炙各二錢半

全蝎

炒

僵蠶

各半兩炒

牛黃

一方有膽南星無麝香

右為末煉蜜丸桐子大每服一二丸薄荷

湯下

麻黃湯治太陽症頭疼發熱身頭惡風無汗喘滿脉浮緊八九日不解當發汗汗已煩悶瞋目者必衄衄乃解所以然者陽氣重故也

甘草

半兩

麻黃

去節一兩半

桂枝

一兩

杏仁

去皮三十五箇

右每服三錢水煎



柴胡石膏湯治時行瘟疫壯熱惡風頭疼體疼鼻塞心胸煩滿寒熱往來咳嗽涕唾稠

粘

桑白皮

黃芩 各三錢半

升麻 二錢半

石膏

前胡

赤芍藥

乾葛

柴胡 各五錢

荊芥穗 三錢

右為末每服一二錢薑二片淡豉十粒水煎

葶藶丸治脾熱薰肺或傷風咳嗽面赤痰盛

身熱喘促

葶藶子 隔紙炒 防已

黑牽牛 畧炒

杏仁 去皮尖雙仁麩炒搗膏一兩

右為末研入杏膏拌勻取蒸棗肉搗和丸

麻子大每服五七丸淡薑湯下量兒加減

黃芩半夏生薑湯治膽腑欬嘔苦水若膽汁

黃芩

生薑 各一錢

甘草 炙



芍藥 各六分

大棗 二箇

半夏 一錢五分

右水煎服

其枯湯治心臟咳咳而喉中如梗狀甚則咽腫喉痺

粉草 一錢

苦梗 一錢

右水煎食後服

芍藥甘草湯治小腸腑欬欬而失氣

芍藥

甘草 各一錢

右水煎服

升麻湯治脾臟咳咳而右脇下痛痛引肩背甚則不可以動動則欬涎 方見傷寒

烏梅丸治胃腑咳咳而嘔嘔甚則長蟲出

烏梅 三十箇

細辛

附子 製

桂枝

人參

黃柏 各六錢

乾薑 一兩

黃連 一兩

當歸

蜀椒 各四兩



右為末用酒浸烏梅一宿去核蒸之與米

飯鴿和丸桐子大每服十丸白湯下

赤石脂禹餘糧湯治大腸咳而遺尿

赤石脂

禹餘糧

各二兩  
並打碎

右每服二錢水煎

麻黃附子細辛湯治腎臟咳則腰背相引

而痛甚則咳涎又治寒邪犯齒致腦齒痛

宜急用之緩則不救

麻黃

細辛

各二錢

附子

一錢

右每服一錢水煎

茯苓甘草湯治膀胱咳而遺溺

茯苓

一錢

桂枝

二錢半

生薑

五大片

右每服二錢水煎

牛黃清心丸

方見急驚

瀉白散

方見肺臟

二陳湯

方見吐噎



補中益氣湯

方見虛羸

小柴胡湯

方見瘕症

桔梗湯

方見肺癆

四君子湯

六君子湯

清胃散

異功散

四方並見內釣

地黃丸

方見腎臟

五苓散

方見五淋

人參平肺散

方見夜啼

白餅子

方見發搐

百啐內嗽

百啐內嗽者名乳嗽甚難調理當審其虛實若氣粗痰盛口瘡眼熱先用比金丸嘔吐驚悸困倦白汗用補肺散驚嗽用琥珀散乳嗽用天麻丸若脾胃內熱者用抱龍丸風邪外



感者用惺惺散痰熱既去而氣粗痰盛或流涎者脾肺氣虛也用異功散加桔梗口瘡眼熱大便堅實者用三黃丸大便不實者用白朮散若嘔吐不乳困倦自汗或自利腹脹者脾胃氣虛也用六君子加柴胡若驚悸困倦痰盛不乳者心脾血虛也四君子加芎歸酸棗仁或因乳母食五辛厚味致兒為患者仍參喘嗽諸症

治驗

一小兒外感風邪服表散之劑汗出作喘此邪氣去而脾肺虛也用異功散而汗喘止再劑而乳食進

一小兒咳嗽服抱龍丸反吐瀉不乳腹脹發熱用六君子湯母子並服而瘥後因母飲酒仍嗽用清胃散加麩蘗母服而子亦愈



一小兒患嗽或用清痰等藥反吐乳發熱  
搐搦腹脹此脾胃復傷而內虛熱也用異  
功散加釣藤鈎漸愈又用前藥加當歸而  
安

一小兒患咳嗽服牛黃清心丸加喘促腹  
脹此脾肺氣虛也用六君子湯頓愈

補肺散一名阿膠散治肺虛惡心喘急久患咳嗽  
有痰

阿膠半兩

鼠粘子炒

馬兜鈴各半兩

杏仁七粒

糯米一兩

甘草三分

右每服一錢水煎服

天麻丸治未滿百晬咳嗽不止

天麻

蟬蛻

白僵蠶炒

人參

川芎

甘草

辰砂

天竺黃各二錢

牛膽南星

白附子

砒

雄黃各一錢



金箔五片

鵬砂五分

右為末蜜丸芡實大金箔為衣每服一九用薄荷湯下

愚按前方乃金石大毒之劑不可輕用况百疇小兒多是乳母飲食厚味或母有肺病傳兒昔一婦人服截瘧丹內有砒者兒飲其乳良父子母昏憤遍身發赤翌日方甦又一婦人亦服前藥其子吐瀉大作大人尚不能勝况小兒乎凡服砒石之藥中

毒遍身發赤昏憤或吐瀉者急灌醋碗許即甦小兒數滴足矣  
琥珀散治急慢驚風涎潮昏冒目瞪驚搐內

辰砂一錢半

琥珀

牛黃

僵蠶炒去絲嘴

牛膽南星

全蝎

白附子

代赭石

天麻



乳香

蟬殼各一錢

右為末每服一二分白湯調下

黃芩清肺飲治肺燥而小便不通

黃芩一錢

梔子一箇打破

右水煎服不利加鹽豉二十粒

異功散

四君子湯

六君子湯

清胃散 四方見內鈞

白朮散 方見積痛

比金丸 方見驚癇

三黃丸 方見疝症

惺惺散 方見咳嗽

抱龍丸 方見傷寒

牛黃清心丸 方見急驚

作喘



喘急之症有因暴驚觸心者有因寒邪壅盛者有因風邪外客者有因食鹹酸痰滯者有因膏粱積熱薰蒸清道者然喘與氣急有輕重之別喘則欲言不能隘於胸臆氣急但息短心神迷悶耳治法因驚者用雄朱化痰定喘丸佐以天麻定喘飲寒傷肺氣者用小青龍湯風邪傷肺者用三拗湯加減之食鹹酸傷肺者啗以生豆腐熟傷肺氣者當涼肺定喘哮喘喉聲如鋸者梅花飲無用半夏丸前症多因脾肺氣虛腠理不密外邪所乘真氣虛而邪氣實者為多若已發則散邪為主未發則補脾為主設槩攻其邪則損真氣逕補其肺則益其邪凡喘嗽之症若小便不利則必生脹脹則必生喘要分標本先後先喘而後脹者主於肺先脹而後喘者主於脾蓋肺金司降外主皮毛肺朝百脉通調水道下輸



膀胱肺既受邪則失降下之令故小便漸短致水溢皮膚而生脹滿此則喘為本而脹為標也治當清金降火為主而行水次之脾土惡濕而主肌肉土能尅水若脾土受傷不能制水則水濕妄行浸潰肌肉水既上溢則邪反侵肺氣不能降而生喘矣此則脹為本而喘為標也治當實脾行水為主而清金次之尚肺症而用燥脾之藥則金燥而喘愈甚脾病而用清金之藥則脾寒而脹益增觀其症若中氣虛弱者用六君子湯中氣虛寒者前方加炮薑鬱結氣滯者用歸脾湯加柴胡山梔肝木尅脾土者用六君柴胡山梔肺氣壅滯者用紫蘇飲加白朮食鬱壅滯者用養胃湯加木香肺中伏熱水不能生而喘者用黃芩清肺飲及五淋散脾肺虛弱不能通調水道者用補中益氣湯及六味丸膏粱厚味脾



肺積熱而喘者用清胃散及滋腎丸心火刑  
金不能生水者用人參平肺散亦用滋腎丸  
腎水虧虛火鑠金小便不利者用六味丸及  
補中益氣湯肝木乘脾不能相制而喘者用  
六君柴胡升麻脾胃虛寒臍凸腹脹者用八  
味地黄丸脾腎虛寒不能攝水如蠱脹者用  
加減腎氣丸凡虧損足三陰而致喘脹或二  
便不調及牽引作痛者俱用六味八味加減

氣等丸治之仍參傷風咳嗽症

### 治驗

一 小兒嘔吐發熱胸痞脇痛作喘發搐因  
乳母恚怒母服加味逍遙散子服異功散  
加釣藤鈎山梔並愈

一 小兒痰喘鼻塞用惺惺散而愈後因傷  
乳服消導之劑痰喘腹脹益甚余謂脾虛  
不能生肺而痰喘脾氣不能運化而腹脹



用異功散而痊

一小兒患喘服發汗之劑汗不出而喘益甚用異功散頓愈又用六君子湯而全愈後復痰喘服下痰丸前症愈甚更腹脹作嘔此脾肺復傷也再用異功散而漸愈半載後患喘嗽面赤此心火尅肺金用人參平肺散及六味地黃丸而痊

一小兒傷風喘急不能卧服參蘇飲之類不痊余用小青龍湯一劑而愈後復感寒嗽喘益甚服發表之藥手足並冷腹脹少食余謂脾肺俱虛也用六君子加桔梗杏仁而愈

一小兒患喘面赤服牛黃清心丸面色既白手足不熱余謂脾胃復傷用六君子湯不半杯而愈又傷風寒而喘面色仍白用五味異功散加桔梗生薑治之頓安



一小兒七歲患前症久不愈或用下痰等藥速瀉數沸飲食不入手足並冷喘急不得卧先用六君薑桂益甚用人參五錢附子一錢二劑少緩又二劑十減三四乃用獨參將愈却用四君子湯而瘥

雄朱化痰定喘丸治因驚發喘逆觸心肺暴急張口虛煩神困

雄黃

硃砂各一錢研

蟬蛻

全蝎少許

白僵蠶

天南星

白附子

炮各二錢輕粉五分

右為末糊丸麻子大每服數丸茶清送下梅花飲治五臟積熱喉中有痰面色赤白鼻流清涕氣逆喘急目赤咳嗽或因驚夜啼

硼砂

馬牙硝

片腦

人參

各一兩

甘草

五錢

芒硝

辰砂

麝香

各一錢

保嬰全書卷六

三十一



右各另為末磁器收貯每服半匙麥門冬湯調服氣急喘嗽桑白皮湯下常服薄荷湯下

天麻定喘飲治喘嗽驚風

天麻

防風

羌活

甘草炙

人參

桔梗

白朮

川芎

半夏麩各等分

右每服二錢水煎服

三拗湯治感冒風邪鼻塞聲重語音不出或

傷風寒頭疼目眩四肢拘倦咳嗽多痰胸

滿氣短

麻黃不去節

杏仁不去皮尖

甘草生用各等分

右每服二三錢薑水煎服

半夏丸治肺氣不調咳嗽喘滿痰涎壅塞心

下堅滿及風痰嘔吐惡心涕唾稠粘

白礬一兩半焙

半夏三兩湯泡七次薑汁製一宿



右為末生薑自然汁丸赤豆大每服十九  
薑湯下

紫蘇飲子治肺受風寒喘熱痰嗽

紫蘇葉

桑白皮

青皮

五味子

杏仁

麻黃

甘草

陳皮

人參

半夏各三分

右薑三片水煎溫服

小青龍湯

惺惺散

二方見咳嗽

異功散

清胃散

六君子湯

加味逍遙散

歸脾湯

五方見內鈞

人參平肺散

方見夜啼



平胃散 方見胃氣虛冷

八味丸 即六味丸加肉桂  
五味子方見腎臟

牛黃清心丸 方見急驚

養胃湯 方見瘧症

黃芩清肺散 方見百晬內嗽

五淋散 方見五淋

滋腎丸 方見發熱

補中益氣湯 方見虛羸

六味丸 方見腎臟

金匱加減腎氣丸 方見腹脹

### 黃疸

經曰中央黃色入通於脾故黃疸者脾之色也夫人身之神貴於藏而默用見於外則內虛矣其症皆因脾氣有虧運化失職濕熱留於肌膚發而為疸錢仲陽所謂身痛背疆二便澁滯遍身面目爪甲皆黃是也小便褐色



者難治療法宜固脾為先如專用尅伐寬中  
澹泄利水之藥則鮮有不至危者矣若初生  
及百日半年之間不因病而身黃者胃熱胎  
黃也腹大食土為脾疳兼作渴飲冷者用瀉  
黃散小便不利者茵陳湯病後發黃肢體浮  
腫者用白朮散清便自痢肢冷嗜卧者益黃  
散身澹黃白者調中丸及補中益氣湯加茵  
陳身熱膈滿肌膚面目皆黃者加減瀉黃散  
辨其所以若閉目壯熱多哭不已大小便赤  
澀口中執氣者廼妊娠厚味胎毒之候也母  
子並服生地黄湯仍忌酒麪五辛熱物設不  
自慎悞傷脾土急則變為驚風吐瀉緩則肢  
體浮腫小便不利眼目障閉多成疳疾矣又  
有脾虛發黃者當於脾胃中求之

治驗

一小兒旬日內先兩目發黃漸及遍身用



瀉黃散一服而瘥

一小兒生旬日面目青黃此胃熱胎黃也  
用瀉黃散乳調服少許即愈後復身黃吐  
舌仍用前藥而安

一小兒因乳母食鬱而致飽脹噯酸遍身  
皆黃余以越鞠丸治其母瀉黃散治其子  
並愈

一小兒患前症服五苓散消食丸之類其  
黃不退作渴飲湯腹膨少食余謂胃氣虛  
津液少故喜飲湯脾氣虛故腹脹少食也  
先用白朮散漸愈又用補中益氣湯而瘥  
一小兒飲食不調腹脹身黃小便金色雜  
用治疸之劑作渴飲水余謂胃氣實熱先  
用瀉黃散二劑其渴頓止用梔子栝皮湯  
其黃亦退用白朮散而飲食進

茵陳湯治陽明病發熱汗出者此為熱越不



能發黃也但頭汗出至頸而還小便不利  
渴飲水漿此瘵熱在裡而發黃也或傷寒  
七八日小便不通腹微滿身黃如橘色者  
茵陳蒿嫩者大黃三錢 梔子大者  
右每服一錢水煎服

犀角散治黃疸一身盡黃

犀角

一兩

茵陳

葛根

升麻

龍膽草酒炒

甘草

生地黄

各半兩 寒水石三錢

右每服三錢水煎服一方瓜蒌根汁和蜜

服

小半夏湯治黃疸小便色不變自利腹滿而  
喘者不可除熱熱去必噦

半夏

湯洗七次

右每服二三錢薑三片水煎服

消食丸治胸膈氣痞乳食不消身後黃者

見方



嘔吐

茵陳五苓散即五苓散加茵陳每服一錢温

水調下日三服

導赤散

二方見五淋

越鞠丸

方見天鈞

承氣湯

小柴胡湯

二方見瘧症

調中丸

即理中丸方見冷瀉

平胃散

方見脾胃虛冷

史君子丸

方見蛇虫

益黃散

方見脾臟

地黃湯

即濟生地黃湯

白朮散

方見積痛

四味肥兒丸

方見嘔吐

瀉黃散

方見脾臟

嘔吐乳



嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲也蓋乳哺過飽則胃不能受而溢出銜乳多食睡則脾不能運而作瀉脾胃漸傷疾病纏綿甚至慢驚之患矣若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作渴少食或小便色赤胃經虛熱也用七味白朮散大凡嬰兒在乳母尤當節飲食若乳母停食亦能致兒吐瀉故不可不慎也

治驗

一小兒傷食嘔吐發熱面赤服消導清熱之劑飲食已消熱赤未退余以為胃經虛熱用六君升麻柴胡四劑而痊

一小兒傷食嘔吐服剋伐之藥嘔中見血用清熱涼血反大便下血唇色白而或青



余謂脾土虧損肝木所乘令空心服補中  
益氣湯食遠服異功散使涎血各歸其源  
果愈

一小兒吐酸乳食用四君吳萸黃連木香  
補脾平肝而愈後口中有酸水仍用前藥  
隨愈後吐苦水而口亦苦用龍膽湯以清  
肝火四君子湯以補脾土而痊

一小兒吐黃水所食之物悉皆其味用瀉  
黃散清其胃火而愈後因停食服剋伐之  
藥口其不食形氣殊弱用補中益氣湯養  
其中氣而痊

一小兒傷食嘔腐用平胃散一服宿滯頓  
化余云不必多藥但節其飲食自愈不信  
別用剋滯之藥更加吐瀉以致不救

一小兒傷食發熱面赤抽搐嘔吐氣喘唾  
痰此飲食傷脾肺氣虛弱所致用六君子



湯炒黑黃連山桅各二分一劑頓愈

消乳丸治嘔吐消乳食脉沉者傷食不化也

香附子炒 宿砂仁 陳皮去白

甘草炙 神麴炒 麥芽炒等分

右為末米糊丸黍米大每服二十九薑湯

下

又方治百晬內嘔吐乳妳或大便青色用少

婦乳汁一盞入丁香十粒陳皮一錢按法

內煮數沸稍熱空心以綿球吮服

楊氏消食丸治乳食過多胃氣不能消化

宿砂 橘皮 三稜

蓬朮 神麴炒 麥芽炒各半兩

香附子炒一兩

右為末麴糊丸麻子大白湯送下量兒加

減

局方觀音散治外感風寒內傷脾胃嘔逆吐



瀉不進飲食漸至羸瘦

人參兩一

神麴錢炒一

茯苓

甘草炙

木香

綿黃芪

白扁豆

白朮錢各一

石蓮肉去心二錢半

右為末每服一錢入藿香三葉棗水煎服

香朴散治積冷嘔吐

藿香葉

陳皮

厚朴薑汁製各七錢

半夏一兩湯炮七次 甘草炙一錢

右每服三錢薑棗水煎瀉甚加木香肉豆

蔻

香薷散治寒濕不適飲食失調或外因風寒

暑邪致吐利心腹疼痛霍亂氣逆發熱頭

痛或轉筋拘急或疼痛嘔噦四肢逆冷

香薷兩一

茯苓

白扁豆炒

厚朴薑汁製各五錢

右每服二三錢水煎加酒半杯冷服立効



竹茹湯治胃受邪熱心煩喜冷嘔吐不止

葛根 七錢半

半夏 炮半兩

甘草 炙三錢

右每服二三錢入竹茹棗許大薑水煎取

清汁微冷細細服加茯苓三錢尤妙

蘇合香丸治傳屍骨蒸殭瘕肺痿疰忤鬼氣

卒心痛霍亂吐痢驚癇客忤等症

蘇合香油

入安息香膏內

薰陸香

另研

龍腦

研

木香

白木

白栴香

丁香

朱砂

研水飛

沉香

香附子

炒

烏犀屑

畢撥

安息膏

另為末用無灰酒杵膏

麝香

研

訶黎勒

煨取皮各二兩

右為末研勻用安息香膏并蜜和丸桐子大井花水空心化服一二丸温酒亦得更用臘紙裹彈子大一丸緋絹袋盛當心帶之辟一切邪及治胸膈噎塞腸中虛鳴宿



食不消

青州白丸子治驚風吐乳

天南星

三兩

白附子

一兩

半夏

浸洗七兩

川烏頭

去皮臍半兩

右用井花水浸晒過次日早晨再換新水

春五日夏三日秋七日冬十日晒乾為末

以糯米粉煎粥清為丸菘豆大薄荷湯調

下

瀉黃散

方見脾臟

白朮散

方見積痛

異功散

六君子湯

四君子湯

三方見內鈞

龍膽湯

方見噤風

平胃散

方見脾胃虛冷

補中益氣湯

方見虛羸



吐舌弄舌

舌屬心脾二經小兒舌微露而即收者名弄舌此屬心脾虧損用溫胃散補之舌舒長而良久不收者名吐舌乃心脾積熱用瀉黃散主之或無口舌生瘡作渴飲冷屬胃經實熱亦用前散作渴飲熱屬胃經虛熱用四君子湯食少作渴或大便不實脾胃虛弱也用七味白朮散口角流涎或腮頰患腫胃虛風熱也先用人參安胃散次用七味白朮散若干後甚者脾血虛也四物多加參朮茯苓未應用補中益氣湯及審五臟相勝若因疳瘦所致當參諸疳門

治驗

一小兒弄舌發搐手指不冷余謂肝脾虛熱用異功散加升麻柴胡而愈後傷乳腹脹服剋滯作瀉弄舌手指發熱審乳母肝



火與小柴胡湯加升麻白朮治之母子並愈

一小兒乳食過多患吐瀉用大劑異功散加柴胡升麻母子服之而愈後因驚服至寶丹之類發搐弄舌幾至慢驚余用六君子湯加白附子服而愈

一小兒吐舌發熱飲冷額鼻黃赤吐舌流涎余謂心脾實熱用導赤瀉黃二散而愈後復作別服清熱等藥更弄舌余用異功散加釣藤鈎而安又用六君子湯全愈

一小兒七歲食生冷之物腹痛便秘服峻厲之劑連瀉五次噫氣腹痛余謂心脾虛寒用異功散加薑桂木香治之不從反治胃火更加吃逆余仍以前藥加附子一片一服諸症頓退乃去附子又三劑而愈其時同患是症用清胃化痰者歿而手足俱



黠

四物湯

方見急驚

補中益氣湯

方見虛羸

小柴胡湯

方見瘕症

導赤散

方見心臍

瀉黃散

人參安胃散

二方見脾臍

七味白朮散

方見積痛

四順清涼飲

人參 去蘆

川芎 各一錢

防風 去蘆

當歸尾

赤芍藥

大黃 麩裹煨

甘草 炙各一錢

右剉散入燈心七莖麥門冬去心七粒同

煎溫服



平泉全書卷之六終

平泉全書卷之六終



